

Kwanini pawekwe MITI pale bustanini na si kitu kingine?.

Swali: Kwanini pale Edeni pawekwe MITI, isimamie uzima au Mauti na si kiti kingine kama JIWE?.

Jibu: Ijapokuwa zipo sifa nyingi za MITI zinazoipa vigezo vya kuweza kuwakilisha UZIMA au MAUTI...Lakini sifa kuu inayoweza kusimamia nafasi hiyo ni UREFU wa MAISHA.

Mti ndio kiumbe hai pekee kilichoumbwa na MWENYEZI MUNGU kinachoishi muda mrefu kuliko vyote.

Tembo ni kiumbe hai lakini miaka yake ya kuishi ni 80 tu, Kasuku ni miaka 90, kunguru ni miaka 90, kobe ni miaka 200 lakini MITI inafika mpaka miaka 2,000..

Ipo miti yenye miaka zaidi ya elfu chini ya Jua, na bado inaendelea kuzaa matunda yenye ubora ule ule, na zaidi ya yote MITI haisogei ipo palepale, lakini unaishi muda mrefu.

Tofauti na Jiwe, lenyewe Lipo kwa muda mrefu (hata miaka elfu) lakini haliishi (halina uhai), halizai wala haliongezeki liko vile vile siku zote...kama tu mifupa ya mfu iliyopo kaburini kwa mamia ya miaka.

Kwanini pawekwe MITI pale bustanini na si kitu kingine?.

Sasa kwa sifa hiyo ya MITI kuishi muda mrefu, ikiwa bado inaendelea kuzaa matunda yale yale na ikiwa bado ipo eneo lile lile moja..ndio inayoifanya ichukue sifa ya kusimamia UZIMA wa Daima au MAUTI ya daima.

Kwamba tunapotafakari maisha ya MITI (*jinsi yalivyo marefu na usivyosogea*). Hali kadhalika Mauti ya mtu aliye katika dhambi ni ya DAIMA, nahukumu yake ni ya Daima, vile vile UZIMA wa MTU aliye ndani ya MUNGU ni wa daima na usio badilika.

Sasa huu MITI wa uzima ni nini? Au upo wapi?..

MITI wa uzima ni YESU KRISTO, leo lifahamu hili, Nitakuhakikishia hilo kimaandiko.

Maandiko yanasema Kristo ndiye hekima ya MUNGU.

1 Wakorintho 1:23 “bali sisi tunamhubiri Kristo, aliyesulibiwa; kwa Wayahudi ni kikwazo, na kwa Wayunani ni upuzi;

24 bali kwao waitwao, Wayahudi kwa Wayunani, ni KRISTO, nguvu ya Mungu, na HEKIMA YA MUNGU”.

Kwanini pawekwe MITI pale bustanini na si kitu kingine?.

Umeona hapo?..KRISTO ni HEKIMA ya MUNGU na kama Kristo ni Hekima ya MUNGU, basi yeye ni MTI wa UZIMA kama maandiko yasemavyo katika Mithali 3:18.

Mithali 3:13 “Heri mtu yule aonaye HEKIMA, Na mtu yule apataye ufahamu.....

18 Yeye ni MTI WA UZIMA kwao wamshikao sana; Ana heri kila mtu ashikamanaye naye”

Kumbe YESU KRISTO ni MTI wa UZIMA, na ana heri kila amshikaye!!!... naam si ajabu tuonapo anatajwa kama Mkuu wa Uzima (*Matendo 3:15*).

Si ajabu tusomapo kuwa hakuna mwingine mwenye Uzima zaidi yake yeye (*Yohana 10:10*) na yeye lpekee ndiye njia na Uzima (*Yohana 14:6*).

Si ajabu kusikia kuwa kila anayemkimbilia anapata uzima wa milele (*Yohana 3:16, Yohana 6:47*).

Kwaufupi hakuna UZIMA nje ya YESU KRISTO, aliyekufa na kufufuka na kupaa mbinguni, yeye ndiye MTI uishio Milele, na kwake yeye kuna

Kwanini pawekwe MITI pale bustanini na si kitu kingine?.

Uzima.

Je unao uzima wa milele?...je umeupata huu Mti?..kama bado mkaribishe YESU maishani mwako na akufanye kiumbe kipya na ukabatizwe kwa maji tele na kwa jjina lake YESU.

Shalom.

Washirikishe na wengine habari hizi njema kwa kushea

Ikiwa utapenda kupata msaada wa kumpokea Yesu maishani mwako bure, Basi wasiliana nasi kwa namba uzionazo chini ya makala hii.

Pia kwa kupokea mafundisho ya kila siku kwa njia ya WHATSAPP, jiunge na channel yetu kwa kubofya link hii >>

<https://whatsapp.com/channel/0029VaBVhuA3WHTbKoz8jx10>

Kwa mawasiliano: +255693036618 au +255789001312

Bwana akubariki.

Kwanini pawekwe MITI pale bustanini na si kitu kingine?.

Mafundisho mengine:

TAFUTA UZIMA WA MILELE NA SI UZIMA TU!.

JE UMEUFIKIA ULE UTUKUFU HALISI WA MANA?

Uzima wa milele ni nini?

MKUU WA UZIMA AKUWEKE HURU.

CHAGUA UPANDE WA UZIMA.

Rudi Nyumbani

Share on:
WhatsApp